

澹
堪
詩
艸



澹 埭 畱 卅

宋小澹署

訂價一元
翻刻必究

澹堪詩草敘

國朝

六清圖

余耳澹堪詩名久而締交最晚憶光緒癸未余應童子試冠軍澹堪適雋選拔同出新陽朱研生先生門曾一見之長身玉立翩翩佳公子也心慕之而未及接洽後余奔走四方與澹堪不相見者二十年然偶遇鄉人士言及吉林英俊之能詩者必曰成竹山成竹山竹山者澹堪字也且恒於友好閒見澹堪取爲書心益慕之歲甲辰余佐黑龍江軍莫適獲與澹堪共事把臂深談始知二十年來澹堪之慕余亦如余之慕澹堪也千里神交一朝合併時促郝研究當世事以相劇厲暇索其詩則謂庚子遭亂稿盡失間憶數首寫讀如庚子塞上諸作蒼涼悲感不減放翁顧終以軍書旁午困於料量澹堪旋出守綏化余亦于役都門不獲多憶多寫嘗以是咎澹堪之懶戊申余權鎮呼倫貝爾澹堪方棄綏化守偕雲陽程公之上海以其間徧游吳越佳山水與東南名宿相論議今年春程公被召入都旋撫奉天澹堪始終以之時東事正棘有所觸一寓於詩有公必附書寄余余讀而異之因歎澹堪此游得於江山之助友朋之益與夫世變之感以增長其識力者爲不少也然終以未得

其全爲憾冬十月澹堪自奉天越吉林黑龍江度興
安領來訪笑言未竟遽啟篋手數冊出曰君嘗咎我
嬾不多寫詩今破一月工寫成來矣能爲我一刪訂
乎余受讀一過其惓懷家國之心敦篤師友之誼時
時見於篇章因以公暇爲之叅訂去取乃知澹堪之
詩之佳在乎原本性情而山川之助友朋之益與夫
世變之感不過壯其波瀾藉抒懷抱焉耳吾吉僻處
東陲文化開最晚二百年未有以詩鳴者澹堪獨能
孤懷遠邁逸想橫飛抗衡中原未遑多讓洵足壯江
山之色增吾黨之光矣雖然時事日艱東局尤迫正
賴一二有志之士相與極皇奔走挽救於萬一余與
澹堪生於斯長於斯夙昔所研究而蘊厲之者又無
不注重於斯將焉所逃而卸其責耶吾願澹堪毋徒
澄心杳慮以詩人自命也可
宣統紀元己酉小雪後五日如懷兄宋小瀟錢某氏
敘於新改呼倫無備道署

澹堪詩敘

昔吉林子次棠中丞以清德重望顯於光緒中中丞與劬恣有葭莩之誼歲壬申延劬恣長伯都訥廳書院故吉林讀書之士劬恣皆知之中丞嘗謂劬恣吾鄉士習樸儻君宜以經術澤之劬恣謝不敢當已而中丞再至京師劬恣入翰林爲後輩每造中丞寓邸譚論竟日往往燭見跋而後去劬恣問吉林之士中丞曰竹山大小雅才也由是劬恣始諗君學行蓋劬恣長書院時君弱冠方讀書家塾故與君無一日之雅云又十餘年乃見君於晚晴簃晚晴簃者今大總統徐公禮聘文學之士爲詩社劬恣亦濫廁其間者也與君談吉林舊事輒時時及中丞中丞氣莊而容肅以禮法自持見者皆次且起敬君氣和而貌溫與人惟恐失人之意人皆樂就之君學於中丞爲高弟子竊謂君蓋善學中丞者今年夏君出所爲詩俾劬恣序之君詩出入經史彬彬然質有其文中丞所謂樸儻之習豈足以囿賢者哉獨惜中丞已歸道山不及與劬恣評隲君詩爲一昔之譚也膠西柯劬恣

序

吾嘗謂歡娛場無真詩熱中人無真詩一則菁華銷
鑠一則志氣疲沓紛華徵逐皆足以錮蔽其靈明而
真詩隱矣必也淡於榮利使此心常若止水不沸不
波精神斂而志氣專然後造意遣辭選和練響而真
詩出矣澹堪之詩其佳處正在此或大刀濶斧或細
鍼密縷或雲謠波詭或如道家常其氣沉其詞鍊無
一點囂氣犯其筆端非養之有素湛然恒清不能有
此境界宜其以澹自命也讀既竟復論之如此商橫
之歲涂月宋伯魯拜識

澹堪詩草

二

澹堪詩草目錄

抱山展墓

憶榆廬

世英兒自黑龍江來視余疾喜作三首

烏刺古臺歌臺在今烏刺鎮街北偏俗名白花點將臺亦曰不花

為宋錢梅題毛西河大草灘圖

懷人詩三首

清明

自題香雪尋詩圖

和張半園述懷詩二首

澹堪詩草

自題吳岳廬鄭大鶴商笙白合作設色胡廬

簡張半園二首

馬鬣蠅拂子二十二韻

思舊集成各繫以詩都十二首有序

自題寫經硯

和林琴南園林雅集圖詩

得錢梅病起詩喜和二首

江樓招飲和樂佩石

題晚學齋圖

澹堪雜詩十首

偶成簡樂佩石

北山雅集同郭侗伯使君雷筱秋瞿非園樂
佩石諸君作

北山第二集示同人

陳弢菴太保見訪

游雍和宮和錢梅韻

臘八日自壽四首

春覺齋夜飲呈畏廬

除夕懷人詩三首

丁巳生日宋鏡梅魁星階兩兄徐敬宜弟以

尊酒爲壽賦呈二十七韻

老魚行

有序

昆明曲

有序

挽李母

靈光寺

三山庵

大悲寺

龍王堂

香界寺

秘魔崖

魔王殿

碧雲寺

卧佛寺

玉泉山

贈宋芝田侍御

送玉如六甥女于歸

九日陶然亭獨坐

賢良寺雜詩

自壽

和錢梅食熊掌白魚之作

澹堪詩草

涂子厚母壽

小集江亭爲龍江話舊會錢梅先有詩書此
奉和示同人兼呈周樸老

寺夜

茗谿秋泛圖爲金拱北作

己未七月同宋錢梅秦少觀游戒壇潭柘二
寺

壽仲仙二兄六十

天山訪古圖爲新城王晉卿先生題

題孫師鄭吏部陶然亭瓶廬雅集詩後

西山潛廬

芝田老兄移居三教寺訪之不遇
上柯鳳老並約小飲

澹堪詩草

四



芝田老兄移居三教寺訪之不遇

上柯鳳老並約小飲

芝田老兄移居三教寺訪之不遇

澹堪詩草


吉林成多祿竹山

抱山展墓

平明登抱山樹靜棲羽寂長跪酌佳城往事思歷歷
我父卒丙戌葬日雨浙瀝前母乃同穴負土堅四
壁其地溼且卑我心常戚戚丁酉驚盜發白日飛霹
靂恨無汾陽兵志此徒悲激罪人幸而得沈痛那可
滌我母復見背牛眠此中覓風雨感崩防遷徙同
辟狄傷哉乙巳春萬古漆鐙闌東西南北身展轉捧
毛檄二年出守綏三載書考績推恩及九泉褒贈膺
殊錫君恩日以深親面何由覲況當八表昏滿眼愁
鋒鏑華屋與山邱險過矛頭浙生兒亦何用往訓空
啓迪春秋缺瞻拜禍變同疏逃默數生平罪擢髮豈
足析印觀松楸寒雨淚紛紛滴

憶榆廬

松花江之西有邨其塔木厯厯雙白榆扶疏繞老屋
遐思齟齬年我父教我讀每書必親鈔篇篇當削
竹每句必口授記誦耳須熟朝曦連夕鐙慈訓爲家
塾我母尤鍾愛時恐遭笞扑朝送屋角東手爲櫛
與沐暮迎屋角西食以果與肉其時榆正新風動錢



菽菽我亦隨風來滿院爭相逐有時披綠陰嬉戲當
綵服二老開口笑謂我如黃犢忽忽四十年此景宛
在目一身倏東西萬事同轉燭自與此廬別迤邐淚
盈掬我父先見背家室幾顛覆中經庚子亂負母
竄山谷白頭感夕霜越歲棄我速十年走龍沙忽變
橘中局世外驚滄桑宵中泣我慕游子悲故鄉歸來
話樵牧烏刺好江山考槃水一曲爰居避鼓鐘時向
東門伏魚思故池泳鳥戀舊巢宿況此鮮民身往訓
思頑復先廬一已荒樹老枝葉禿頰印方古天長歌
以當哭

世英兒自黑龍江來視余疾喜作三首

我昔守綏陽是汝初學日殷勤送龍沙所學亦未畢
昏嫁忽催人汝已有家室學人作武夫奮發離我膝
今年我病久獨念汝遠出風雪條歸來歸來省我疾
汝母喜汝來竈下具黍雞汝弟喜汝來懷中出棗梨
我念汝衣薄宛轉狐裘携人生好滋味骨肉勿相離
風雲滿瀛海何故紛東西夜深耿不寐鐙火寒淒淒
養穀欲其實養木欲其老何呂汝兄妹運厄死獨早
而汝今朝來顏色亦枯槁得勿問米鹽累人到細小
丈夫貴自立詎呂凡情擾者欲足戕生憂勞庶自保

勉哉身與名兩字汝宜寶

烏刺古臺歌

臺在今烏刺鎮街北偏俗名白花點將臺亦曰不花

城峩峩臺巍巍風雲蒼莽天四垂霸業王氣盤今古
金耶遼耶主者誰繫昔東京上京路寧江長春幾節
度元明往矣清室興太祖親征烏刺部烏刺部貝勒
家層樓複殿飛丹霞粉侯昆弟誇元朮雌將風流說
不花我來勝地作重九獨立千載誰爲友荒屯敗壘
人煙稀弔古安能記誰某鴨江西浸天倒吞鳳山北
下雲直走欲將往事問荒臺七百年來一回首君不
見遼妝樓元左掖五國放海青混同渡赭白故宮禾
黍無人迹又不見兩京哀三陵愁烏刺獨鎮東海頭
開叔守成皆已矣此臺乃與輝發葉赫哈達名同留
爲宋錢梅題毛西河大草灘圖

千山萬山白草枯窮邊蒼莽天橫粘西河老子逞狡
獍落想自與常人殊箸書垂老心未已長槍大戟金
僕姑平沙萬點馬如豆揮豪意氣先吞胡天山一掃
路南北莊浪瓦刺徒區區楮墨流傳二百載海桑劫
火方須與公從何處得此本威聲直與前賢符龍沙
一角孤城孤呼倫貝爾懸雙湖丈夫毛錐果安用儘
可談笑安邊隅歐風亞雨氣一變伊涼歌曲人驚呼

歸來學作煙波徒乘風偶爾游中都起儀叔孫世所
有籌邊充國今豈無高吟時挾朔方氣晚學豈讓蕭
山儒直將立馬興安意對此荒城大漠圖錢梅有興
安立馬圖
一時題
者甚多

懷人詩三首

鄭蘇戡先生

話別高樓心已傷

辛亥北歸相晤海葦樓
言國之必亡語極哀惋

況聞白雁

與紅羊春風秋水南洋路老卻詩人鄭海葦

海葦樓
在上海

南洋
路

梁節堪先生

澹壘詩草

四

董壽萱刊

梁格莊前鳳輦昇故宮深鐔冷于久疲驢誰侶亭林
老白髮如蝮拜孝陵

屠敬山先生

班馬雄文各一家三年橐筆走龍沙我來不見秦淮
海零落春風菜甲花

清明

寒食人家話禁煙紙錢風起賣錫天抱山別後松楸
長淚灑清明又一年

自題香雪尋詩圖

老蛟聳脊凍雲折月踏玻璃笛吹錢千樹萬樹埋香

雪鄧尉之山深復深美人名酒千黃金冷豔幽香開
我襟朝醉梅煙夕梅雨我有新詩在何許獨立花前
澹無語

和張半園述懷詩二首

遠屋高吟黃絹辭成連海上感琴絲驚看詩伯年華
長尙說王孫碧草滋大鳥盤空前路迴孤花吐艷夕
陽遲同儕瘦卻陶元亮老圃寒香共一時
天表星辰曳履聲朱門畫戟總爭迎游蹤跌宕扶桑
路詩律森嚴細柳營馬帳臬比漢遺老牛腰大卷魯
諸生長髯今古誰雄長夢對坡仙一咲成

澹堪詩草

五張桓春列

自題吳岳廬鄭大鶴商笙白合作設色胡盧

我昔香雪訪梅花獨步尋詩踏寒夜歸與勝流作文
讌新詩美酒兩無價破荷亭中我先至繼者詩人陳

伯攷

與夏

劍丞
衝寒漚尹

朱古

石芝老

鄭大

鶴
風雪不

須驢背跨箇中苦鍊作主人

岳廬

慙歎餞我北征駕

時即歸
黑龍江

其時笙白獨後來四坐譁然詡且罵岳廬大

咲排解之弓畫爲罰必無赦濡染大筆作肥瓠數斗
淋漓潑煤麝眾賓起舞說不侶賴有椽筆補造化畫
者觀者互噴薄酒氣至今猶可怕六年不踏姑蘓路
夢與高人共吟榭天涯窳落半晨星況復滄桑驚代

謝坐中諸老盡遺逸白髮秋風動悲咤青藤雪个誰
已矣此才不媿畫中霸年來懷舊悲風塵何處桃源
縛茅舍挂起西窗放膽眠一頭倒臥胡盧下

簡張半園二首

浣花有客聖于詩詩律精嚴晚更奇天半笙簧珠錯
落酒中芒角骨嶽崎何嘗哭笑同遺老豈獨風流是
我師頗憶子京脩史地兩行紅袖寫烏絲

時半園脩
黑龍江通

風滿西樓夜不扃元龍高臥餉羣經偶携笠屐宜新
雨穩把綸竿是客星宛宛吟蟬雙鬢雪遙遙歸鳥一

澹堪詩草

六 張恆春刊

天青何當雞黍三年約共上龍沙萬里亭

江省公園
有龍沙萬

亭里

馬鬣蠅拂子二十二韻

我正賦憎蠅拂子來頗恰馬鬣喜初試蟲羽息一霎
白麓秀呂長朱柄橢而狹乙乙銀絲抽庚庚金綫壓
文若匠心運織類女手搯輕揮殊湘毫雙持異火筴
幸不受蟲蝕未免遭鼠劫

中有被
鼠齧處

信手如拋墻隨身

等荷鍤朝共金巵拭暮伴銀蒜押飄搖周旌旒颯爽
堯廚篋細必龍鬚帚活潑雉羽翼金張幙底陳哥汝
瓶中插一揮白雨來再舞涼風怯清簟吹素秋生衣

冷白袷誤牽蛛網破偶中蚊血喋孽遺無周子計刻
等秦法劍逐咲爾愚鱗佩能我甲跌坐禪借參清談
客豈狎短車同進官葛籠並創業拂罷一長吟午枕
聯麴黓

思舊集成各繫呂詩都十二首

有序

余既竟編校之役頰印八極風雨同昏嗟
我懷人愛而不見鬱者思發勞者思歌情
所同也近觀靈運鄴中之作遠懷太史終
篇之義爰託短諷呂拾隊因亦不自知思
蹇產而奚屬也

澹菴詩草

七 張恆春刊

鄒齋老居士詩筆振三朝乃爲書名掩因之久寂寡
一官江左去家室盡飄搖惆悵龍泉寺吟魂未可招
右許少騫師

烈士暮年心長吟復短吟奇文驚創見邊地幾知音
遼左風霜苦榆廬歲月深

余家書齋名

吉光留片羽讀罷
淚盈襟

右王秋篁師

止水心神靜高樓說打魚

先生居里曰打魚樓

絕交稽叔夜多
病馬相如文字鬼猶忌
荏蘭人欲鋤至今思老輩空
歎箸奇書

右趙文樓先生

老帶莊襟外通侯公子家

先生爲威勇侯榮全之弟窮愁恹東野

年少哭長沙一紙出塵劫十年驚歲華西州重過處腸斷古桃花

右闕秀峰母舅

萬古大江鳴高吟共此聲解經摧五鹿吸酒敵長鯨
白髮悲生事青山指舊盟龍沙音問絕腹痛媿平生
研齋歿時余不得知故云

右沙研齋廣文

忼慨悲年少乾坤一叔蓉登臨思絕頂

叔蓉寂喜登高文字

瀟堪詩草

八 初世昌刊

盪奇胸獨作詩中虎難訓劍底龍來生脩慧業祝爾
不凋松

右劉叔蓉茂才

此才如不死長吉亦何奇揮手千金盡空留黃絹辭
狂名世爭咲而我獨傷悲風雨孤鐙夜重看篋底詩

右宋伯泉布衣

世亂丹心在愁多白髮新金州古孝子天寶舊宮人
風雨成吟草雲煙感臥薪何時陶靖節同作葛天民

右談豐厂太史

風雨野廬昏三年守墓門死生終有命憂樂總難論

雁塢無名字，鷓原。有淚痕。它年傳孝友，古誼滿乾坤。
右趙西岑茂才

一寒何至此，范叔有緜衣。太息東湖客，天雲獨與依。
滄桑千古恨，歌哭萬情非。吟社山中路，春深長蕨薇。
右鄧東湖布衣

五十學詩者，古人高。達夫遼東有，狂客差與昔賢符。
放眼風塵老，側身天地孤。管公遺故里，瞻望幾踟蹰。
管公屯是幼安隱居處與惺五居甚邇

右宋惺五處士

小說真千古，奇文徧五洲。每懷春覺室，如坐海藏樓。
澹堪詩草

九 祁世昌刊

鄭蘇戡海上寓齋先生同鄉也畫筆爭青史，詩心傲白頭。疲驢風雨路，淚洒二陵秋。

自題寫經硯

斲得一痕山，骨青年年相伴寫。群經不知此後人間，
世雪浪何人補此銘。
芝薇採罷自沈吟，誰識當年抱硯心。欲向橋亭訪遺
老，春風門巷落花深。

和林琴南園林雅集圖詩

我愛琴南翁，賣文自生活。蕭然春覺齋，不受俗耳聒。
世界等微塵，萬事付毫末。新圖譜園林，使我心目豁。

當時聯酒歡我亦醉兀兀滄浪哦舊松滄浪拙政招

古月詩老朱彊邨鄭大鶴劉伯崇排日吟几闌烽燧

忽飄蓋籠破鳥初脫涿水與名園往往成古刹荒荒

積潦淖獵嚴風刮回觀舊吟侶逸響雲猶遏采薇

感逸民蕭蕭動白髮相思不相見何以慰饑渴

得鍊梅病起詩喜和二首

龍沙風雨泣銅駝時余在江省獨對新詩一細哦湖上英

雄閑欵段偈中空色病維摩老來時恐親知少喜極

翻驚涕淚多欲寄相思加飯意蕭蕭黃葉滿關河

才看小印便心驚鍊老近刻一夏生小印隔世洪劉號夏生晚

澹堪詩草

十一 初世昌刊

歲縱多勛業在達人自覺去來輕寒香澹宕邀天許

傲骨嶙峋與世爭聞說松花歸興好江南重見庾蘭

成

江樓招飲和樂佩石

涼雨忽吹江上秋偶携吟榼作清游數聲風月桓伊

笛半壁山河庾亮樓軍國平章歸蟋蟀詩人天地入

蜉蝣白雲無盡滄波遠欲和陽春不自由

題晚學齋圖

衛武九十餘日誦賓筵作宣聖思假年味此讀易樂

卓哉古歡老稽古思古若晚學補桑榆襟抱殊落落

繪圖藉良友相期亦不薄十年走大荒同入郗生幕
鷗鷗幾變化天海恣騰躍剎那世已更獨寄北門鑰
雲臺繪奇姿颯爽動襄鄂忽然長揖去不受功成爵
中原戰萬龍天際翔一鶴戎衣換儒冠績學務精博
深挈忘寢食朝晷連宵櫟練成詩骨堅冰雪耐咀嚼
猶恐少年時所得或糟粕盡讀人閒書勝食長生藥
或者老伏生留訂羣經錯披圖我失笑蒲柳秋姿弱
新知日以荒舊學孰商榷斷金與攻玉努力一方各
豪傑晚聞道如公庶無忤何時證心源高齋酒一酌

澹堪雜詩十首

澹堪詩草

十一

黎玉山刊

吾家牆之東雲水一廬小菜圃雜菊畦種得花多少
新柳垂萬絲好音坐幽鳥別院寄妻孥人事一無擾
牙籤三萬軸枕饋忘昏曉遙想雲中君吾意方縹緲
老友林琴南寫圖遠寄我雖未至吾廬位置似亦頗
大江日夜流襟前復帶左老樹聽吟聲滿地松花墮
白雲時出入幽扃渾不鑠即此有聲畫謂之詩也可
瀟灑諸葛君澹泊以明志我無古人學而師古人意
當年守一麾偶以官爲戲拂衣歸去來甘爲世所棄
閉門老著書松鱗落幽翠寄語熱中人吾僕與子異
京華有故人招賞西山雪吟鞭逐寒影遂與吾廬別

人皆喜清涼我獨畏炎熱自惜潔白衣常恐緇塵涅
何如老圃花寒香爭晚節曰歸復曰歸聊且守吾拙
好山喜我來螺黛繪深淺怪石待主人僵立殊偃蹇
我感山石意花徑行宛轉入夜猶尋詩露溼衣裳軟
鐙花自開落幽靜不可翦時聞華子岡人定一聲犬
幽人早起時初日未掛樹微聞草木香羣動澗清露
我思陶隱居曲閣入煙霧北牕卧羲皇未必得此趣
持帚掃白雲不令白雲住生恐塵世人認得雲深處
我生何所求與物本無競得廬便已足況復極幽靚
檐樹咽晚蟬牕月飛孤鏡人語出幽叢小院綠落淨
何必期長生安居自卻病珠柱怡我情玉杯悅我性
別戶而曰堪實一土屋耳有古陶復風此意差可喜
白髮老詩人蕭然水雲裏荒徑長菊松小園遍桃李
蘭成與彭澤前身母乃是白水寄神交長懷古君子
烏刺古江山風物秀而野忠毅與富察忠毅公額勒
登保富察氏
穆克登皆烏刺人其人皆健者賜第成瓜田荒祠賸頽瓦陵
谷一變遷侯王亦已假何如高節義聲名震天下所
以胡澹庵千古皆其亞

遺民周之餘大隱南山麓習習清風生美人暮空谷
淋漓寄詩酒歡笑雜歌哭華髮已滿顛踽踽行猶獨

遐哉兩管風貌矣顧黃躡蘭室有清芬芳隣吾其卜
偶成簡樂佩石

樂事一春何處尋東門鐘鼓託微禽百年學術終秦
火四海歌聲半楚音惜老漸知霜鬢短縱談不覺夜
鐙深平生豪氣銷難盡一擲擣蒲尙萬金

北山雅集同郭侗伯使君雷筱秋瞿非園樂

佩石諸君作

塵羈才脫便身輕中履蕭然野意生傑閣栖煙涵遠
樹大江搖鏡抱孤城畫圖不減前游樂

是日諸人皆題余香雪尋

詩圖卷子絲竹難爲此日聲獨羨九天珠唾落冷泉心比

澹堪詩草

十三

黎玉山刊

在山清侗白詩有在山泉愈冷之句

北山第二集示同人

老懷不減游山興絕頂重臨曙色開幾代廢興江上
去萬家晴雨眼中來羣龍戰野悲生世大鳥盤空起
異才見說南皮盛賓從爲吟仄李一低徊

陳弼庵太保見訪

故國猶開舊講筵帝師風節世爭傳天留碩果同清
味蒙惠福橘人比黃花鬪晚妍京洛風塵偏此日衣冠文

武是何年從容杖履頭如雪白傳相逢一惘然

游雍和宮和錢梅韻

大千浮一漚花雨香不散胡爲困人海勞塵眾弗憚
素心喜禪悅妙解如久渙偶思物外游及時動遙眄
聯步雍和宮歷歷飛樓觀潛龍話舊邱紅教此中衍
當年重宸題雉尾開宮扇金支光有無梵語秘深殿
供養但香花纓絡何璀璨今日是何日無復雲紉縵
衣冠月出游何處聞夏諺古碑苔斑剝溜雨如漬汗
尖風飄繡幢冷然有餘善僧雛蒙元兒破褐來相見
佛有人獸身談之輒色變我來叅淨因拈花落微瓣
試問觀棋人柯已幾回爛

臘八日自壽四首

澹堪詩草

十四 黎玉山刊

踏徧嵯峨五嶽顛歸來一壑尙能專每因正則庚寅
日苦憶唐堯甲子年賸叟心情惟阜帽書生滋味是
青羶卧聽粥鼓催寒曉香火根因滿大千

少年小杜喜談兵絕漠風霜杖劍行終古難移山笑
兀到今猶望海澄清摩天黃鵠深秋影踞月荒雞午
夜聲笑看吳鉤思底事壯心奇氣未全平

剗盡瓊華事有無遺山癡夢繞京都殘松賸柏隨年
長劣馬頑牛任世呼北海塵生丹泝冷西山秋黯碧
雲孤百年劫火雙絲鬚贏得詩狂作老夫

老去巖居不廢吟敢言遺逸續清音

延子澄學士所
編遺逸清音集

內選余詩
若干首

久辭塵紲孤懷健自理巾箱百感深佳日
春秋元亮酒莫年詞賦子山心平生倡和思良友一
曲幽蘭雪滿襟

春覺齋夜飲呈畏廬

六街不動馬蹄塵來踐吟窠酒約新四坐梅花宜處
士一杯明月餉詩人獨留松柏寒中影徧寫谿山雪
後真是日所畫谿山
霽雪圖甚佳劫火餘生人更老天涯何處不
相親

除夕懷人詩三首

朱古微侍郎

澹堪詩草

十五

劉少森刊

朝士問彊邨應有先朝淚十年香宋詩識語分明記

辛亥與香宋侍御同客蘇州香宋贈古微句云北來
朝士問彊邨應有先皇積淚痕不圖國變竟成詩識

一從變陵谷青鞵世獨避詞老髮飄蕭遠道無一字

驀然傳近況天海動詩思東坡海外吟不畏俗人忌

薑桂老愈辛何怪眾驚異我懷七不堪借榻東華寺

相思不相見明年又何地冉冉惜餘光今夜不須睡

夏夬尸觀察

蘇州榕酒年往迹辛與亥丙辰君北來我亦京華在
相逢感身鬢文字懺尤悔巍巍黃金臺宋宋一郭隗
從此老映尸飄然卧江海填胸氣不平落紙驚魂魄

忍餓出奇句龍虎成異采滄桑併一愁河清詎可待
今我思不樂開徑望君每江南消息遲一日如三載
顧瞻脩蛇影茲歲己云改

鄭蘇堪京卿

鳳皇翔千仞燕雀安能知老驥伏皁櫪久爲駑馬嗤
斯人何卓哉毀譽任世爲當年莫府中策略惟公奇
壯志逸四海豈在酒與詩胡然酒與詩乃值山河移
仙人戲海上萬事哭笑之我亦來京華滿眼驚黍離
不見所南翁但見幽蘭枝幽蘭若松柏歲寒生古姿
滔滔數今夕悠悠成我思

澹堪詩草

十六

劉少莊刊

丁巳生日宋錢梅魁星階兩兄徐敬宜弟以
尊酒爲壽賦呈二十七韻

我生苦不辰久失舞衣綵兀此飄泊身頻見山河改
頰印商山芝四皓今安在諸公携酒過塵窩生異彩
錢老人中龍文章富有醞矯矯徐先生奇語落珠琲
星階如德星餘光樂悌愷深杯互咲言食譜及調甌
促坐忘主賓酒巡亂亦每醉觀八表昏金革醫凍餒
同此作寓公燕幕逾三載今日獲良宴清風散蘭茝
側聞古君子撥亂心力倍燕臺築黃金師事請從隗
易水風蕭蕭氣早奪秦亥快劍艾風塵六合成爽塏

公等造龍沙夙爲天下宰胡不振衣起再接再厲乃
蒼生祝霖雨我亦企踵待所傷蒲柳姿浪迹滿湖海
平生歌舞場從人戲傀儡歌詩一發狂少作常自悔
樂與素心人相知不相罪及時撫家國癡念動危殆
無言寒閣梅對人發蓓蕾相看頭盡白人天雪皚皚
努力崇明德桑榆願收采

老魚行

有序

三海鷲魚獲大者長三尺許鱗作黃金色項
間有銀牌一嘉靖年物也後爲英使所得載
而歸國澹堪見之感歎作老魚行

澹堪詩草

十七

劉少莊刊

南海濱北海曲玉竦金鰲射紅旭晴波網集打魚聲
多少銀鬢破春綠大者入罟去小者銜鉤來小者大
者一時出一魚跋浪滄溟開滄溟開處獲天賜彷彿
龜龍擅靈異金鱗熠熠銀牌光大書深刻嘉靖某年
字吾思嘉靖朝已餘五百年五百年中幾劫火爾魚
應目全其天老魚聞言忽騰躍魚目常醒人語作本
來方古濠梁游那知十日秦皇索竭澤而漁之吾儕
何以能咸若我咲老魚象齒自焚胡不銜環獻之大
君摸金都尉宜策勳銀章兼佩武與文朝恩之奮魚
將軍魚乎魚乎爾何癡身入番舶將安之釜中之游

何樂爲君不見枯者過河泣太液池中且殃及

昆明曲

有序

戊午二月與郭侗白使君同游願和園記少
時曾隨舅氏榮潤庭通侯入觀風景不殊而
山河頓異矣園有湖曰昆明作昆明曲

昆明湖邊春草生昆明湖上春波平一波一草皆春
夢莫將桑海證昆明昆明開鑿當全盛瀛寰滌盪清
如鏡側聞車駕騁清游南巡歸仿西湖勝西湖勝處
對西山山色湖光縹緲閒偏是魚龍邀睿賞也如鷓
鷯點朝班翠華當日臨幸地淀南淀北紛車騎無限
嬉春曲水情卻存習戰滇池意玉泉絕頂萬泉飛萬
壽回看煙霧霏不獨九成堪避暑年年還打木蘭圍
誰知劫火圓明後明德忽稱天下母侍臣方進游仙
詩海客又斟祝釐酒奇肱車與宛渠船經營不惜水
衡錢費盡海軍四百萬好歌慈壽八千年長廊香閣
排雲殿寶月瓊花開曲宴歌管春鐙燕子詞綵繒夜
火螢兒苑濯龍門外好樓臺趨值車聲曉若雷記得
羽林仙仗外曾隨舅氏入園來蓬瀛清淺呼仙吏君
早金鑾留秘記引見開元各一時回頭二十餘年事
漢家歌舞名黃巾鼓鼙驚破湖中春秋詞那忍談庚

子國變無端又甲申乘輿歸後山河改老鑱離宮對
三海但見蒼頭小吏來更無白髮宮人在荒波墊艇
夕陽低行盡山前山後隄激玉泉聲迷石舫滲金山
色冷銅犀傷心今有林宗老重來媿戀湖山好鶻淚
空憐帝子花鶯飛又長王孫草我亦茫茫百感增何
須松柏怨山陵一天春水容消長百代蒼煙任廢興
廢興消長亦尋常過眼風花似夢涼何怪詩人嚴節
度已成當代魯靈光古歡老人亦不俗冷抱湖雲吸
山涿十日春寒不出門聽我昆明歌一曲

原擬與古
歡室主人

同將後不果
故末語及之
澹堪詩草

十九

許月明刊

挽李母

樹老臺荒聽挽歌遺民涕淚滿山河習聞壽母如松
柏忍見詩人癯蓂莪絲杼宵殘餘火冷板輿春盡落
花多身衣手綫悲游子望斷慈雲鬢已皤

秋老盧龍塞外天瀧岡待表是何年高秋夜月唳烏
鳥大埜淒風哭杜鵑儘有容儀照千古我因慈孝憶
三遷平生最有皋魚痛百感中來更泫然

靈光寺

野人意蕭疏不是城中物偶然踏翠微天風時一拂
念彼伽藍人妙香聞得不韜光與歸來塵劫說仿佛

夜分萬籟寂，銜穗聞於佛。

三山庵

欲覓三山庵，來上青螺頂。到門僧未歸，一犬宿花影。

大悲寺

竹輿才了行，裊裊散輕霧。古磴閱谿雲，樵聲人語誤。
脩篁動禪栖，萬竿青可慕。東入說法臺，花雨墮無數。
僧雛揖遠客，木末設茶具。道此方山中，襪被宜小住。
詩老久無言，相看得妙悟。埜荷香沁人，如飲華池露。
坐令塵慮絕，蟬聲送歸路。

龍王堂

澹堪詩草
二十 許月明刊
聞說此峯頂，靈湫藏老龍。靈湫通海底，時有大雲從。
狂飈激縣瀑，怒濤鳴萬松。禪心正寂寂，溪午一聲鐘。

香界寺

石徑犖确與人歌，上山下山一刹那。壁立千仞到香
界，門外松楸挂薜蘿。西來佛樹金梭羅，古色古香爭
摩挲。笑擷七葉拈，數子手香不待旃檀搗。還山藏之
羣書窠，老不談禪奈爾何。願留細字記無譌，某年月
日香界過曾聞菩提薩婆訶。

秘魔厓

幽谷森欲秋，陰厓黯將夕。靈氣雜神鬼，天露一絳穴。

聞說盧大師跨海不盈尺縛茅深箬中道行堅於石
青童侍經窩爲霖顯奇迹竭來風雨深萬嶺浮一白
渴霓飲澗曲怒電裂巖隙奇景駭冷禪驚定殊可惜
山靈咲我頑狂敵折衲屐回首說法臺陳迹感今昔
老魔呼不出石繡苔花碧

魔王殿

四山圍若環梵語出香界不知何王殿萬古身不壞
空房僧已宗瓢杖壁間挂冥心問八還妙諦參五戒
無生即有生龍象通警效閱盡千百劫眉目尙如畫
世事那可知歸與兒女話

碧雲寺

十年不到碧雲顛結後重來話淨緣雲壓牛羊爭絕
頂雨揮龍象落諸天大璫應有魂來往遺構仍隨國
變遷數盡興亾成妙覺泉聲到耳一泠然

卧佛寺

雲護珠幢雨打頭空堂六月已深秋年來何處容高
卧滿眼風煙佛亦愁

玉泉山

樹老園荒歲幾更筇枝得得繞廊行偶從調水分符
地來聽飛泉漱玉聲得地便涵雙塔影出山能釀一

湖晴烹茶領略真滋味堪笑中冷浪得名

贈宋芝田侍御

一疏居然動九閭河山雖改片言存先芬遠謫曾金

齒用宋文憲公事

此老生還入玉門銅狄吟秋餘涕淚錢函

著史自朝昏平生意氣傾湖海欲話新詩酒滿樽

散材心迹議郎名白髮青衫也自驚卓犖幼安容片

席蕭條庾信話平生十年燕市黃花酒萬里秦關落

葉聲一樣天涯感今昔壯心直氣總難平

送玉如六甥女于歸

輕夫因嫁早古人深刺譏汝能履女誠三十始于歸

澹堪詩草

三

張恒春刊

雕麟有精意雅化今已稀鄭重告之子凡百期無違

九日陶然亭獨坐

西山青到谷爲陵誰向荒亭問廢興半老年光秋似

嫁獨來風味野于僧鄉心滿地滋鱸膾兵氣纏霄引

雁繩欲折黃花還自咲白頭傲骨兩峻嶒

賢良寺雜詩

歲戊午寓賢良寺自春徂秋得小詩如千首

或感舊或懷人雖非一時一事要皆與此寺

相屬因名之曰賢良寺雜詩

舊說賢王邸第開寺爲怡親王府改建山邱華屋亦堪哀白頭

有客談天寶又向賢良寺裏來

老衲相逢似故交
叅禪話雨坐深宵
何時了卻塵中事
共爾穿雲采藥苗

法安和尚

不思脩禊會羣賢
不願看花逐少年
策杖自尋詩境去
古松流水意蕭然

勛業興安立馬餘歸來讀遍五車書
至今小院梅花下
共指潛谿學士居

宋錢梅都督

城北先生意不羣
翔天鴻鶴感風雲
元龍奇氣傾湖海
百尺高樓合讓君

徐敬宜參政

張翀心迹似坡仙
鬢榻栖遲屋一椽
今日逍遙湖上

瀟堪詩草

三

張恒春刊

路定教詩酒送流年

詩人張白翔

晴潭雲繞鏡湖涼
滿院薔薇閒海棠
春水生秋水去幾回
高廟訪斜陽

陳君秋水寓高廟

兒女團欒笑語聲
夜深圍着讀書燈
苦吟惹得山妻笑道我前身合是僧

驀地炎涼感不禁
商量花事幾沉吟
芙蓉泣露荼蘼笑一樣
春秋兩樣心

桐花小徑豆花籬
塵外鷓鴣栖借一枝絕
愛四時風日好
曉牕作字晚吟詩

振袂天風踏白雲
西山深處四無隣
斜風細雨黃村

路畫出騎驢覓句人

游西山路

看盡三山落照低昆明深鑱碧湖西可憐輦路成秋

草埋沒銅麟與錢犀

頤和園諸山

寶禪門巷晚煙斜少日相依是外家我到東陵重訪

舊更無人問故侯

先母舅榮潤庭通侯故宅在寶禪寺巷內亂後門戶式微無人

繼起矣

黯澹西山一角青滄桑問爾幾曾經荒陂斷葦城南

路無限邊愁壓此亭

游陶然亭

古柏參天夕照間法源孤往復孤還殘碑不拓靈芝

字一盞寒泉薦疊山

游法源寺

澹堪詩草

三五 許月明刊

出郭微颺料峭寒棗花寺裏一盤桓青松紅杏圖千

古偏是游人看牡丹

崇效寺看牡丹

閑從老圃話斜陽

門前即菜圃

春韭秋菘歷歷嘗閱盡辛

酸人世味算來畢竟菜根香

梧桐月上晚風微白蓼花開雪四圍

寺中皆白蓼花

正是茶

初香欲半有人天外抱琴歸

古木當門似老夫疏狂偃蹇寄情孤愛他偏有林和

靖爲寫松根高士圖

林畏廬先生爲余作松根高士圖

秋老江頭燕子飛重來故壘已全非廣平自有梅花

骨手摘天山明月歸

謂宋芝田侍御

靡蕪山下故人稀，有客徬徨怨黍離。
忍見白頭周太保，鷓鴣風雨讀殘詩。
謂陳致庵太保

杜陵諸將入悲歌，三弄桓伊喚奈何。
門外風煙誰管領，一天兵氣雁聲多。

丁鶴高風不可尋，銅槃泣露亦何心。
梅村悟後思蒼雪，獨倚荒龕一細吟。

半是懷人半紀游，雪鴻權作爪痕留。
遺民未踐還山約，瘦竹孤花又一秋。

自壽

悔不空山自著書，藏身人海計原疏。
了無恩怨何言黨，自有升沈漫卜居。
社櫟宛隨遺子在，苑花猶說故宮餘。
人非城是思何限，轉覺閑身鶴不如。

雪繪僧庵月繪池，年來隨地好棲遲。
便逢佳日携吟榼，且對名花惜鬢絲。
讀畫心情黃絹重，消寒風味綠琴知。
時與同人作消寒會，有某君善琴。白頭兄弟爭相壽，頗憶旃檀玉局詩。
宋芝田錢仲仙冒鶴亭諸公迭相爲壽。

和錢梅食熊掌白魚之作

老守餘一饒，除此寡所欲。舊夢能與魚，冰穴及巖麓。
兩年客京輦，味讓吾鄉獨。何期古歡老，春宴開東陸。
隔宵卜嘉辰，奚事再三瀆。斫膾客已驚，膾臠宰不辱。

登筵發古懷此味真荒服白鯉與青羶玉食到鱗躅
垂老周餘民每飯情愈篤翰思莼菜羹坡憶花豬肉
燒鐙開上元猶見古時俗隔隣春如海稚子喧爆竹
卓犖七詩人冷語散馨馥吟弄風月邊詠歸樂亦足

涂子厚母壽

錦江春色明夔巫中有老人清且癯問之名族曰古
吳母儀天下雲陽涂爲曹大家爲漢儒風節美媿璠
與璵作詩戒且能相夫貧家嫁晚孝子姑笄珈邦媛
無時無庭前玉樹生雙株機雲之陸軾轍蘇以教以
養勞而劬半生晝菽歐陽如今子盡讀名父書迴翔

潛堪詩草

三六

劉少章刊

八表鸞鳳雛我識次公十年逾前則呼倫後卜枯吳
公治行萬口呼卓卓北海東海隅一朝共作長安趨
燕喜詩歌來屬余願補白華哦絳跗月正初吉八日
初朋觴祝嘏翱天衢紛銀鑿落金醴斟綵衣晝燭紅
璿瑜千金壽母母曰毋斲菜根香是故吾胡不儉約
爲世模方今朝寧倫紀扶絲褒綸獎相都俞定有壽
賜南樓圖

小集江亭爲龍江話舊會錢梅先有詩書此

奉和示同人兼呈周樸老

灑落巾裾脫筦弦深杯巍坐話當年共憐萍聚蹤何

定且喜花時壽亦妍是日爲黃君生日別徑尋詩鸚鵡冢誰

家賞雨海棠筵友人又有法源寺看海棠之約龍沙萬里春如海回

首孤亭一惘然黑龍江有龍沙萬里亭

桼亭如笠矗城南短荻新莎綠滿潭北海風流容一

酒西山雲物點層嵐春隨黍陌禾墟老夢繞冰天雪

窟酣領略瀟溪風味吾儕今夕莫輕談

寺夜

山月清不寒松響疑過雨泠泠遠近泉如與詩翁語
仰視韜光戶放鶴人何許苔壁覓舊題念我前游侶

苔谿秋泛圖爲金拱北作

澹堪詩草

三七 卅世昌刊

瓊雲辟月苔花紫夾岸人家三十里如此江山付阿
誰扁舟艷說金公子當日宗文熹壯游解衣盤礴瀛
寰秋坐中佳士盡龍尾海內高名知虎頭蕭蕭黃葉
延陵道紅衫青笠驚霜曉北地新愁鞍馬多西風舊
夢莼鱸好桃花庵主是前身畫出秋懷十丈新東桼
怕彈游子淚偉元偏作泣詩人白雲有盡秋無盡家
與長安誰遠近一髮青山獨往時十年涼月思歸引
竭來把臂東華東回首苔谿事已空感君高卧卧丹青
裏憶我聯吟風雨中辛亥秋苔谿道中與朱彊邨趙香宋兩先生倡訓甚多亂後此稟無二存者

己未七月同宋鏡梅秦少觀游戒壇潭柘二

寺

聯輿度椒眉曲磴繞山脅言尋戒壇松奇古天下甲
俯仰揖來客四株已千劫或如龍偃卧兀傲不可狎

或如孤柱擎擎雲護殘塼自在與九龍連蜷舞鱗鬣

卧龍護塼九龍自在皆松名當時重宸翰勒碑示來葉松下有御碑起

訖千百言如說生公法何來諸王孫但解爰羊胛豪

竹并哀絲萬事付一呷時有某王孫在寺中引危豪酒啖生羊肉歌飲甚豪感

此夜無眠絡緯動僧榻

石壇高不極戒臺石壇為天下冠佛閣連香榭白頭老帝師往

澹堪詩草

天 祁世昌刊

往此銷夏陳致庵太保每歲來此避暑笙簧落天半吟響奮幽夜

龜魚識杖聲漁樵議詩價我踏輦紅塵欲游苦無暇

臨流詩和陶登山屐著謝名山尚易逢名心豈易化

達哉向子禽草草了昏嫁平生五嶽心徘徊夕陽下

萬綠萃一環湧出精藍秀嘉福及龍泉得名亦已舊

溶溶月印潭宛宛雲生岫記曾躍兩鴟奚容飛一鷺

冷泉淨苔衣花雨瀉巖溜流杯猗玗亭清漣穿乳竇

高閣延秋清賢王有遺構寺有延清閣倚玗亭諸勝千霜老銀杏

孫枝半生瘤古柘化飛仙拂拭香滿袖亭亭杜鵑花

點染秋不瘦瘡我餐霞癖同來銷永晝幽鳥爾勿嗔

幽蛩爾勿呪但愁風雨來喚起癡龍鬪寺外有龍潭

老大減風情山色偏媚我偶然滌凡襟似亦無不可
賈勇升極顛石路忘磔硤涼雨灑山簷好風墮岩果
拳裳出深凹身被溼雲裏巖泉響螭喙飛瀑濺珠顆
上有石棋枰不奕亦孤坐老僧蹠蹠來欲乞人閒火
與結清淨因學道今亦頗迴看潭上雲秋心殊澹沲

壽仲仙二兄六十

湯湯江漢流猗猗黃岡竹中有偃佺儔顏色沃如玉
飄然吟鳳鸞歌芝意自足喬松共呼噲何必黃庭讀
下視蠻觸爭世醉醒眼獨矧那已六十人閒黍未熟

澹堪詩草

三九 董壽藍刊

物古乃可珍人老斯可愛鐘鼎何奇哉所奇在三代
斑剝而陸離隨在弄恣態惟人詎不然良友樂相對
貞元朝士僅開寶宮人在狂歌不入時息息動天籟
有時掉白頭華髮生光怪情移球壁閒賞在驪黃外

君精賞鑑故云

君本侗儻人稱兕胡不忍劉驪畏絲竹或有難言隱
宵吟王裒莪朝呪孟宗筍油然古懷抱樹靜風猶緊
此意無人知孝哉自不泯世俗文濫徵萬紙絕可哂
名流竊攀附朝貴互牽引人皆束高閣我亦謝不敏
何如留采豪潤色吾曾閱

初梅凍欲花雪意幽且迴高人養道氣起舞對清影
仰歛衝斗芒俯拾汲古綆平生薑桂心到此愈孤冷
天門有耆英與君作同歲謂周伯老泰山貌巖巖可敬
亦可畏素心同管鮑馨逸散蘭蕙僕指乙酉人俯仰
殊自愧德行與道藝不才惟我最歲寒松柏姿念及
黃花未願君吟晚節澹中有真味

攫官人如飴而我獨爲苦嶮巖此中味君亦得四五
十年走江湘循蹟若蘭雨何來大風歌猛士雜龍虎
安有隨陸儔官與噲等伍鱗鱗漢議郎朝隱息倦羽
人生亦暫耳何處非樂土達哉莊叟言吾佩養生主

澹堪詩草

三十

董壽萱列

我友五六人二老獨矍鑠

同譜中惟君與
芝田年最長

君於二老

中彌復健腰脚登臨神似駿翔步輕於鶴夜中觀細
書眼月猶灼灼少年文已驚等身饒箸作可知不朽
才何待長生藥古人保金軀相知努力各未知及君
年能否與君若

君我兩生辰中纔數日隔東華與南池相去亦咫尺
暇日輒相過歡言酌今夕夕酌亦何爲此日足可惜
前脩正遙遙桑榆莫虛擲

四坐且勿喧聽我爲公壽我生鮮兄弟性命視良友
一真露肝禹由壯至於叟相期在遠大相助至耆耇

地北而天南萍聚已非偶況乎吾道艱冰霜閱歷久
君負出世姿所惜遘陽九小術陋管商高文媿韓柳
晚名動京輦猶足傳万口君自齊青雲我益堅白首
它山道義交豈獨古人有好隨者鏡翁歡然酌春酒
天山訪古圖爲新城王晉卿先生題

讀書不能行萬里一孔之儒而已矣探源不到河盡
頭空負博望乘槎游陶廬老人今大老踔厲雄心動
八表凌山古道盤撐犁疏勒飛泉聽昏曉蜀隴從來
世有聲鑿空西入單于庭試看方叔甸宣地更擅歐
陽賞鑑名鑑賞深情託豪素談碑不改談經度奇雲

澹堪詩草

三

董壽堂刊

看徧東西峯古雪踏殘南北路卅六名城入袖圖行
盡班生馬行處莫高石室摻奇文科斗殘經更足珍
萬僧行脚留奇迹千佛懸厓證舊聞龔子銷沈左侯
逝立言立功不當意上窮秦漢下隋唐高文點綴新
疆志新疆建省議發於翼定厂而左恪靖始竟厥誰
功公開藩新疆創修圖志攷古今事極詳備誰
知雪北與香南騫爾荆凡變天地畫師一何超神妙
傳秋毫駝鳴鳥飛疾但聞風蕭蕭當年立馬千山外
化鶴歸來成隔代料想先生泛斗牛懷中機石今應
在地老天荒復幾霜吾道自向名山葺詩壇圮圮天
蒼蒼新城古今兩漁洋

題孫師鄭吏部陶然亭瓶廬雅集詩後

刻盡剛常廢盡經年來師說久凋零寰中落落惟諸
子都下蕭蕭占一亭喬木縱隨松社老浣花猶見草
堂靈西山未改風流在多少詩人話長瓶

歸田何早起何遲枉說桓榮是帝師自古國亡多放

逐到今私祭總悲疑眼中復社千秋業身後瓶廬一

卷詩記得緡經龍壽夜傷心金齒寫殘辭瓶廬老人
三至龍壽

寺題元僧寓經云潛谿三世之說吾不敢知第金
齒遠竄事君不終有足慨者余至蘇州獲讀此記

瘦竹孤花感不勝居然元老似殘僧即論書法空寰

海已似琴聲絕廣陵此日荒亭留野史當年鎖院定

澹堪詩草

三十一 黎玉山刊

元鐙高吟入社尋常事風義如君愧未能余所藏松
禪手札其

癸巳閏中有一字不可易元
鐙見矣之語蓋即指君卷也

劍門孤月鶴峯秋廿載青山對白頭鄭馬師生皆北

斗謝羊甥舅已西州高陵深谷應餘慟斷葦荒波憶

舊游莫向揚亭思問字長安風雨使人愁

西山潛廬

過雨空庭積翠流曉來山氣靜于秋道人隨意鋪清
簟睡起槐花落滿頭

芝田老兄移居三教寺訪之不遇

萬葦江亭西復西絕無人處訪幽棲小車出郭可三

里古寺隔雲如一谿恰好種花成野圃但愁沽酒半
春泥山僮似解公詩句閒向僧牆覓舊題

上柯鳳老並約小飲

天留遺老殿山河一史新成兩鬢皤新元史成爲古
今一大著作

徙倚西山晴雪好古今東海大風多吟成詩社瞻喬

嶽話到師門感逝波次棠師嘗謂公道德
文章爲當代之冠欲託淵源

效趨步望塵難及奈公何

門巷春深繡綠苔蕭然心迹野禽猜幾年學作成東

隱一語真慚冀北才公謂祿詩爲吉
林近來所未有愁說帝鄉丹陛

冷笑看兒輩絳帷開承薦塾師是
日兒輩上學隔宵便與山僮約

澹堪詩草

三三 黎玉山刊

好待坡仙笠屐來

